

**AKT THEMELIMI**  
**dhe**  
**STATUTI**  
**I SHOQËRISË ME PËRGJEGJËSI TË KUFIZUAR**  
**“RR LOGISTICS” Sh.p.k.**

**KAPITULLI I**  
**EMRI, FORMA E SHOQËRISË, SELIA, OBJEKTI, KOHËZGJATJA**

**Neni 1**  
**Themelimi**

- 1.1 Emri i shoqërisë është “RR LOGISTICS” Sh.p.k (këtu më poshtë e quajtur “**Shoqëria**”). Shoqëria është themeluar në formën e shoqërisë me përgjegjësi të kufizuar në përputhje me legjislacionin shqiptar.
- 1.2 Shoqëria fiton personalitet juridik me regjistrimin në Qendrën Kombëtare të Biznesit (“**QKB**”).
- 1.3 Shoqëria do të ushtrojë aktivitetin e saj në përputhje me legjislacionin shqiptar dhe Statutin.

**Neni 2**  
**Selia**

- 2.1 Selia e Shoqërisë ndodhet në adresën: “Rruga Dervish Hima, Ndërtesa Ambasador 3, Kati 20, Apt. 159, Tiranë, Shqipëri”.
- 2.2 Shoqëria mund të themelojë degë, filiale dhe/ose zyra përfaqësimi brenda territorit të Republikës së Shqipërisë dhe/ose në shtete të tjerë, në përputhje me ligjet e zbatueshme dhe Statutin.

**Neni 3**  
**Objekti**

- 3.1 Objekti kryesor i Shoqërisë do të jetë:
  - Shërbime transporti rrugor kombëtar dhe ndërkombëtar mallrash për të tretë dhe me qira;
  - Shërbime transporti rrugor kombëtar dhe ndërkombëtar mallrash për llogari të vetë;
  - Shërbime të ndryshme në fushën e logjistikës;
  - Shërbime të tjera ndihmëse lidhur me transportin rrugor kombëtar dhe ndërkombëtar dhe logjistikën;
  - Konsulencë në fushën e transportin kombëtar dhe ndërkombëtar dhe logjistikës;
  - Aktivitete promovimi, marketingu, dhe publiciteti në kuadër të transportit kombëtar dhe ndërkombëtar dhe logjistikës;
  - Çdo veprimtari tjetër e ligjshme.



- 3.2 Objekti i Shoqërisë mund të ndryshohet me vendim të Ortakut të Vetëm të Shoqërisë.
- 3.3 Kryerja e aktiviteteve, për të cilat nevojiten lejet dhe/ose miratimet përkatëse, do të bëhet pas marrjes së këtyre lejeve dhe/ose miratimeve.

**Neni 4**  
**Kohëzgjatja**

- 4.1 Kohëzgjatja e shoqërisë do të jetë për një periudhë të pacaktuar.

**KAPITULLI II**  
**KAPITALI THEMELTAR, KONTRIBUTET, KUOTAT**

**Neni 5**  
**Kapitali Themeltar dhe Ortakët**

- 5.1 Kapitali themeltar i Shoqërisë është 1.000.000 (një milion) lekë, i ndarë në 1 (një) kuotë.
- 5.2 Ortaku Themelues dhe i Vetëm i Shoqërisë është:

1. **Z. Glen Rryta**, atësia Shkëlqim, shtetas Shqiptar, lindur në Tiranë, Shqipëri më datë 20.09.1988, banues në adresën “Rruga Vaçe Zela; Nd. Private; H. 1; Ap. 17; Njësia Administrative Nr. 7; Njësia bashkiake nr. 7; 1023; Tiranë”, mbajtës i letërnjoftimit me nr. personal I80920080P, zotërues i 1 (një) kuote me vlerë 1.000.000 (një milion) lekë, që përfaqëson 100% të kapitalit të Shoqërisë.

- 5.3 Kapitali themeltar do të shlyhet plotësisht në para nga Ortaku i Vetëm pas themelimit të Shoqërisë.
- 5.4 Përgjegjësia e Ortakut të Vetëm shtrihet deri në shumën e kontributit të tij në kapitalin themeltar.

**KAPITULLI III**  
**ORGANET DREJTUESE TË SHOQËRISË**

**Neni 6**  
**Ortaku i Vetëm**

- 6.1 Ortaku i Vetëm është organi më i lartë vendimmarrës i Shoqërisë.
- 6.2 Ortaku i Vetëm ka funksionet e mëposhtme:



- Përcakton politikat tregtare dhe ekonomike të Shoqërisë dhe mbikëqyr zbatimin e këtyre të fundit nga administratori/ët;
- Emëron dhe shkarkon administratorin/ët;
- Emëron dhe shkarkon ekspertin (ët) kontabël dhe/ose likuiduesin (t) e Shoqërisë;
- Përcakton shpërblimin e administratorit/ëve, ekspertit/ëve kontabël dhe likuiduesit/ve;
- Miraton pasqyrat financiare vjetore dhe raportet e ecurisë së veprimtarisë të përgatitura nga administratori/ët;
- Merr vendim për ndryshimet e këtij Statuti;
- Merr vendim për zmadhimin ose zvogëlimin e kapitalit të Shoqërisë;
- Merr vendim për shpërndarjen e fitimeve, dividendëve;
- Merr vendim për ristrukturimin e Shoqërisë ose prishjen e saj;
- Merr vendim për çdo çështje tjetër të parashikuar nga ligji.

## **Neni 7**

### **Regjistri i Vendimeve**

- 7.1 Të gjitha vendimet e marra nga Ortaku i Vetëm do të regjistrohen në Regjistrin e Vendimeve, të dhënat e të cilit nuk mund të ndryshohen. Regjistri i Vendimeve do të mbahet nga Shoqëria, dhe çdo regjistrim do të nënshkruhet nga administratori/ët.

## **Neni 8**

### **Administratori**

- 8.1 Shoqëria administrohet nga 1 (një) administrator, i emëruar nga Ortaku i Vetëm.
- 8.2 Administratori i parë i Shoqërisë është:
- **Z. Glen Rryta**, atësia Shkëlqim, shtetas Shqiptar, lindur në Tiranë, Shqipëri më datë 20.09.1988, banues në adresën “Rruga Vaçe Zela; Nd. Private; H. 1; Ap. 17; Njësia Administrative Nr. 7; Njësia bashkiake nr. 7; 1023; Tiranë”, mbajtës i letërnjoftimit me nr. personal I80920080P.
- 8.3 Mandati i administratorit është për një periudhë prej 5 (pesë) vitesh, i ripërtërisëm, dhe, nëse është rasti, vazhdon deri në vendimin e ardhshëm të Ortakut të Vetëm që do të marrë vendim në lidhje me rinovimin e mandatit të tij apo emërimin e administratorit të ri.
- 8.4 Shoqëria përfaqësohet ndaj të tretëve nga Administratori.
- 8.5 *Administratori i parë i Shoqërisë si më sipër autorizohet për të kryer regjistrimin fillestar të Shoqërisë pranë QKB nëpërmjet portalit e-albania, personalisht ose nëpërmjet palëve të treta të autorizuara prej tij.*

## **Neni 9**



## **Kompetencat e Administratorit**

- 9.1 Përveçse kur parashikohet ndryshe me vendimin përkatës të Ortakut të Vetëm për emërimin e Administratorit, Administratori ka të drejtat dhe detyrimet e mëposhtme:
- Administrojnë veprimtarinë e Shoqërisë duke zbatuar politikën tregtare dhe ekonomike të përcaktuara nga Ortaku i Vetëm;
  - Përfaqësimin e Shoqërisë në marrëdhënie me çdo palë të tretë;
  - Marrjen e masave për hartimin dhe mbajtjen në mënyrën e duhur të pasqyrave financiare dhe të dokumenteve;
  - Përgatitjen dhe nënshkrimin e pasqyrave financiare vjetore dhe bilanceve të konsoliduar, përgatitjen e raportit të ecurisë dhe dorëzimin e këtyre të fundit bashkë me propozimin përkatës për shpërndarjen e fitimeve Ortakut të Vetëm për miratim;
  - Krijimin e sistemit të paralajmërimit në lidhje me rrethanat, të cilat kërcënojnë veprimtarinë e Shoqërisë;
  - Dorëzimin në QKB të dokumenteve dhe të dhënave të Shoqërisë, përveç rasteve kur ligji parashikon ndryshe;
  - Raportimin tek Ortaku i Vetëm në lidhje me zbatimin e politikave tregtare të Shoqërisë dhe në lidhje me përmbushjen e transaksioneve të një rëndësie të veçantë për ecurinë e Shoqërisë;
  - Kryerjen e çdo detyre tjetër të parashikuar nga ligji ose nga ky Statut.
- 9.2 Administratori mund të autorizojë palë të treta që të përfaqësojnë Shoqërinë dhe të nënshkruajë çdo dokument, kërkesë ose aplikim në emër dhe për llogari të Shoqërisë.
- 9.3 Administratori është përgjegjës ndaj Shoqërisë për çdo dëm të shkaktuar si pasojë e mospërmbushjes së detyrimeve të parashikuara nga dispozitat e këtij Statuti dhe legjislacioni në fuqi.

## **KAPITULLI IV**

### **VITI FINANCIAR – SHPËRNDARJA E FITIMEVE**

#### **Neni 10**

#### **Viti Financiar**

- 10.1 Viti financiar fillon më 1 Janar dhe përfundon më 31 Dhjetor të çdo viti kalendarik. Në përfundim të vitit kalendarik Administratori harton pasqyrat financiare të Shoqërisë në përputhje me ligjet në fuqi.
- 10.2 Përgjatë vitit, viti i parë financiar fillon me regjistrimin e Shoqërisë në Qendrën Kombëtare të Biznesit dhe përfundon më 31 Dhjetor 2024.



**Neni 11**  
**Shpërndarja e Fitimeve**

- 11.1 Pas miratimit të pasqyrave vjetore financiare dhe në rast se janë realizuar fitime, Ortaku i Vetëm vendos në lidhje me shpërndarjen ose jo të këtyre të fundit.

**KAPITULLI V**  
**DISPOZITA PËRFUNDIMTARE**

**Neni 12**  
**Ligji i Zbatueshëm**


- 12.1 Për të gjitha çështjet që nuk parashikohen në këtë Statut do të zbatohen dispozitat përkatëse të legjislacionit shqiptar në lidhje me shoqëritë tregtare.

**Neni 13**  
**Të ndryshme**

- 15.1 Ky Akt Themelimi dhe Statut është nënshkruar në 3 (tre) kopje origjinale në shqip.

**ORTAKËT I VETËM I SHOQËRISË “RR LOGISTICS” sh.p.k.**

GLEN RRYTA

Glen RRYTA 

Tiranë më 15.01.2024